



YSGOL GYMRAEG PEN-Y-GROES  
ANNUAL REPORT TO PARENTS BY THE GOVERNING  
BODY  
2015/2016

Annwyl Riant/Warcheidwad,

Mae'n bleser gennym gyflwyno Adroddiad Blynyddol Llywodraethwyr Ysgol Gymraeg Pen-y-Groes yn unol â Rheoliadau Adroddiad Blynyddol Llywodraethwyr Ysgol (Cymru) 2011.

Gobeithiwn y byddwch yn mwynhau darllen am flwyddyn lwyddiannus ein hysgol. Mae croeso i chi gysylltu â Chadeirydd y Llywodraethwyr neu'r Pennaeth os ydych am gael rhagor o wybodaeth am unrhyw beth, neu os hoffech gynnig sylw ar yr adroddiad hwn.

Yn gywir

Mike Landers

Cadeirydd.


Ysgol Gymraeg Pen-y-Groes,

Bryn Celyn,

Caerdydd, CF23 7EH

## CYNNWYS

Gair gan Gadeirydd y Corff Llywodraethu	1
Llywodraethwyr ysgol	2
Gwybodaeth am yr ysgol	3
Datblygiadau Cwricwlwm	4
Gweithgareddau amrywiol	5
Presenoldeb ac absenoldebau	6
Aseidiadau athrawon Cyfnod Sylfaen 2015	7
Trosolwg o ganlyniadau Profion Cenedlaethol 2015	8
Datganiad ariannol	9



## 1. Gair gan Gadeirydd y Corff Llywodraethol

Mae'n bleser mawr gennyf allu cyflwyno Adroddiad Blynyddol Llywodraethwyr eleni Hoffai'r Llywodraethwyr ddiolch i Mrs Fenner a phob aelod o'r staff addysgu a staff nad ydynt yn addysgu ar gyfer eu harweinyddiaeth gref ac ymroddiad parhaus, cefnogaeth ac ymrwymiad i'r Ysgol. Rydym yn elwa ar nifer fawr o staff cynorthwyol gweithgar gan gynnwys ein gweinyddwr swyddfa, staff y gegin, ein gofalwr a'n glanhawyr. Maent yn gweithio'n gadarn ar ran yr Ysgol.

Yr wyf yn ddiolchgar iawn i'm gyd-lywodraethwyr a roddodd gymaint o amser drwy gydol y cyfnod hwn. Hoffwn gydnabod gwaith caled fy nghydweithwyr ar y Corff Llywodraethol sy'n parhau i weithredu'n bennaf drwy waith caled ei is-bwyllgorau. Mae Cynllun Gwella'r ysgol a materion cyllid yn cael eu trafod ym mhob cyfarfod Llywodraethwyr. Ar ddiwedd y Flwyddyn Academaidd, cyhoeddodd Jenny Rathbone A.M ei ymddiswyddiad o'r Llywodraethwyr oherwydd ymrwymladau gwaith. Rydym yn ddiolchgar iddi am ei mewnbwn a'r mentrau wnaeth gychwyn yn ystod ei hamser gyda ni. Mae uchafbwyntiau'r flwyddyn hon yn cynnwys llwyddiant ein disgyblion Blwyddyn 6 yn llwyddo i gael Lefel 4 neu uwch yn eu canlyniadau diwedd cyfnod. Dyma y garfan gyntaf i gyrraedd Blwyddyn 6 ac maent wedi gosod meincnod uchel i grwpiau y dyfodol.

Yn ystod Tymor yr Haf penodwyd ein Dirprwy Bennaeth cyntaf yn yr ysgol. Rydym yn croesawu Mrs Catrin Evans ac yn disgwyl ymlaen i'w chyfraniad allweddol i ddatblygiad yr ysgol.

Llynedd dechreuodd y Clwb Brecwast a pharhad o'r clybiau ar ôl ysgol. Mae ymateb da o rieni yn allweddol i sicrhau parhad i'r mentrau yma. Mae ein cyflawniad a pherfformiad fel ysgol wedi cael ei grynhai yn yr adroddiad canlynol.

Mae croeso i chi gysylltu â Chadeirydd y Llywodraethwyr neu'r Pennaeth os ydych yn dymuno cael gwybodaeth ychwanegol, neu os hoffech wneud sylw am yr adroddiad hwn. Mae'r adroddiad hwn yn ddathliad o'n cyflawniadau. Mae ein cymuned ysgol gyfan yn gweithio tuag at nod cyffredin: i roi addysg ardderchog i bob plentyn gan sicrhau eu bod yn teimlo'n hapus, yn ddiogel ac yn cael eu gwerthfawrogi.

Cofion cynnes,

Mike Landers

Cadeirydd y Corff Llywodraethol

## 2. Llywodraethwyr ysgol

Corff Llywodraethol		Cyfnod yn gorffen
Cadeirydd y Llywodraethwyr	Mr Mike Landers,(Llywodraethwr Awdurdod Lleol) Ysgol Gynradd Gymraeg Pen y Groes Pentwyn, Caerdydd CF23 7EH	29.09.20
Is-Gadeirydd	Della Williams (Rhiant)	16.12.18
Pennaeth	Anne Fenner	
Clerc y llywodraethwyr	Brett Jones Ysgol Gynradd Gymraeg Pen y Groes Pentwyn, Caerdydd <b>CF23 7EH</b>	
Rhiant llywodraethol	Paul Tucker Caroline Martell-Jones Kerri Evans	16.12.18 16.12.18
Llywodraethwyr yr Awdurdod Lleol	Jenny Rathbone AM Pamela Williams	27.09.16 27.09.16
Llywodraethwyr Cymunedol	Anona Harries Lisa Pearce	03.02.17 01.12.17
Llywodraethwyr staff	Nia McGuffie (Cynrychiolydd Staff Addysgu)	31.08.18
Ailsa Newton	(Cynrychiolydd staff cynorthwyol)	10.10.16

### Is-bwyllgorau y Corff Llywodraethol

Disgyblaeth a gwahardd disgyblion : Mr Michael Landers, Ms Jenny Rathbone, Mrs Anona Harries

Disgyblu staff a Diswyddo : Ms Jenny Rathbone, Dr Della Williams, Mrs Pam Williams

Cyllid a Staffio: Mike Landers, Della Williams, Paul Tucker a Mrs Fenner

Adeiladau/Iechyd a Diogelwch: Mrs Caroline Martell-Jones, Mrs Anne Fenner, Mrs Pam Williams, Ms Lisa Pearce, Ms Anona Harries.

Rheoli Perfformiad / Adolygiad Cyflog : Mike Landers, Caroline-Martell Jones, Mrs Kerri Evans

Achosion o gwyno : Mrs Jenny Rathbone, Dr Della Williams, Mrs KerriEvans, Ms Anona Harries

Cwynion cyffredinol: Ms Pam Williams, Mrs Lisa Pearce, Ms Anona Harries, Ms Jenny Rathbone

## 2. Gwybodaeth am yr ysgol

### Staffio 2014-2015

Meithrin Mari Williams (A) Jessica Hiles (CDD)

Derbyn Sara Sweeney yb (A) Mari Williams yp Janet Jones (CDD)

BI 1 a 2 Catrin Devonald(A) Lucy Gallivan (A)

BI 3 a 4 Catrin Evans(A) Ailsa Newton (CDD)

BI 5 a 6 Nia McGuffie (A) Anne Fenner (A)

SENCo Nia McGuffie

CDD AY Ailsa Newton

Athrawes CPA Sara Sweeney

Clerc ysgol Ruth Morgan

### Ymgynghorydd Her y Consortiwm : Mrs Meinir Howells

Niferoedd disgyblion —Medi 2015

Meithrin 25

Derbyn 15

BI 1 13

BI 2 11

BI 3 12

BI 4 13

BI 5 8

BI 6 9

Dyddiadau Tymor 2016-2017

Tymor	Cychwyn	Hanner Tymor		Gorffen	Diwrnodau Ysgol
<b>Tymor yr Hydref</b>	Dydd Iau 1 Medi 2016	Dydd Llun 24 Hydref 2016	Dydd Gwener 24 Chwefror 2017	Dydd Gwener 16 Rhagfyr 2016	72 diwrnod
<b>Tymor y Gwanwyn</b>	Dydd Llun 3 Ionawr 2017	Dydd Llun 20 Chwefror 2017	Dydd Gwener 24 Chwefror 2017	Dydd Iau 7 Ebrill 2017	63 diwrnod
<b>Tymor yr Haf</b>	Dydd Llun Ebrill 24 2017	Dydd Llun 29 Mai 2017	Dydd Gwener 2 Mehefin 2017	Dydd Gwener 21 Gorffennaf 2017	60 diwrnod

**Gŵyl y Banc mis Mai: Dydd Llun 1 Mai 2017**

## Trefniadaeth/Sefydliad Ysgol

Math: Cynradd

Ystod Oedran: 4-11

Amser dysgu'r wythnos: Cyfnod Sylfaen: 22 awr a 30 munud

Cyfnod Allweddol 2: 22 awr a 55 munud

### 4. Datblygiadau'r Cwricwlwm

Ym mis Ionawr 2016 cafodd bob ysgol ei gategoreiddio fel lliw yn seiliedig ar ddata'r tair blynedd flaenorol. Fel ysgol dim ond canlyniadau Cyfnod Sylfaen sydd gennym hyd yn hyn felly mae'r ysgol wedi cael ei gategoreiddio yn unig ar ganlyniadau'r Cyfnod Sylfaen yn hytrach nag ar ganlyniadau'r Cyfnod Sylfaen a Chyfnod Allweddol 2. Ar gyfer Ionawr 2016 cafodd yr ysgol ei rhoi yn y categori ambr.

#### Asesiadau athrawon

Mae disgyblion Blwyddyn 2 yn cael eu hasesu ar Ddeilliannau'r Cyfnod Sylfaen a rhoddir deilliannau o fewn Datblygiad Iaith, Datblygiad Mathemategol a Datblygiad Personol a Chymdeithasol.

Mae adroddiadau cymharol i'w weld ar ddiwedd yr adroddiad hwn yn ogystal â pherfformiad yr ysgol ym mhroffion Cenedlaethol 2016.

#### Asesiadau diwedd Cyfnod Allweddol 2

Caiff disgyblion Blwyddyn 6 eu hasesu ar lefelau diwedd cyfnod a lefel yn cael ei bennu yn y Gymraeg, Saesneg, Gwyddoniaeth a Mathemateg. Mae adroddiadau cymharol i'w weld ar ddiwedd yr adroddiad hwn yn ogystal â pherfformiad yr ysgol ym mhroffion Cenedlaethol 2016.

#### Ysgolion Iach

Mae'r ysgol wedi cyflawni cam 3 o'r rhaglen ysgolion iach ac yn hybu bwyta'n iach ar draws yr ysgol. Yn ystod ein diwrnod bwyta'n iach bu'r plant yn dysgu am y plât bwyta'n iach ac am sut i edrych ar ôl eu cyrff.

Mae'r plant yn y Cyfnod Sylfaen yn derbyn darn o ffrwyth yn ddyddiol ac yn derbyn llaeth am ddim. Yng Nghyfnod Allweddol 2 mae'r plant yn cael eu hybu i ddod a ffrwyth i'r ysgol yn ddyddiol i'w fwyta yn ystod amser chwarae.

Rydym yn hybu bob disgybl hefyd i ddod â photel o ddŵr i'r ysgol yn ddyddiol. Mae dŵr yfed ar gael i bob plentyn trwy gydol y dydd.

Trefnir nifer o weithgareddau chwaraeon yn ystod y flwyddyn gyda chlybiau ar ôl ysgol yn ogystal â swyddogion chwaraeon allanol yn datblygu sgiliau'r disgyblion o fewn gwersi. e.e. Cardiff Multisport yn gweithio gyda disgyblion yr ysgol er mwyn gwella eu sgiliau pel-droed a sgiliau chwaraeon eraill.

Mae Addysg Iechyd yn elfen allweddol ac annatod o'r cwricwlwm i'r holl ddisgyblion er mwyn eu haddysgu ac annog eu dealltwriaeth o faterion yn ymwneud ag iechyd. Yn sgil hyn maent yn datblygu'r sgiliau anghenrheidiol a'r agwedd gywir sy'n arwain at fywyd cyfrifol a iachus.

Addysgir Addysg Ryw a Chamddefnyddio Sylweddau fel rhan o Addysg Iechyd yr ysgol ar gyfnodau sy'n addas yn natblygiad y disgyblion.

#### Wythnos Cymru Cwl

Cynhaliodd yr ysgol wythnos Cymru Cwl i ddatlu popeth Cymreig a dysgu am hanes a thraddodiadau Cymru. Roedd y plant yn cael eu hannog i fod yn falch o fod yn Gymru a'r gallu sydd ganddynt i siarad Cymraeg. Cafodd amrywiaeth o weithgareddau eu trefnu, er enghraifft, pobi bwydydd Cymreig e.e Bara Brith a Phiceri Mân. Astudiodd y plant amryw o Chwedlau Cymreig, ee Branwen. Yn ogystal cafodd y plant y cyfle i ddysgu dawnsio gwerin. Cynhaliwyd Eisteddfod yr ysgol yn ystod yr wythnos a llwyddodd Madeline Manley o Flwyddyn 6 i gipio'r Gadair.

### Diwrnod y Llyfr

Ar Ddiwrnod y Llyfr fe wnaethom ddathlu bywyd Roald Dahl a daeth y plant i'r ysgol yn gwisgo i fyny fel cymeriadau o'i lyfrau a bu'r plant yn mwynhau gwneud amrywiaeth o weithgareddau yn ystod y diwrnod.

### Diwrnod T.Llew Jones

I ddathlu gwaith un o awduron enwocaf Cymru cafodd y disgyblion gyfle i wisgo i fyny fel cymeriadau o'i lyfrau, yn ogystal â dysgu am ei fywyd, ei gerddi a'i straeon.

### Diwrnod Masnach Deg

Yn ystod ein diwrnod Masnach Deg dysgodd y disgyblion am bwysigrwydd prynu nwyddau Masnach Deg a sut mae siocled Masnach Deg yn cael ei gynhyrchu. Hefyd cawsant gyfle i fwynhau bwyta siocled a bananas Masnach Deg.

### Diwrnod E-Ddiogelwch

Cynhaliwyd diwrnod E-Ddiogelwch eleni gyda'r plant yn cael cyfleoedd i gymryd rhan mewn trafodaethau a gweithgareddau amrywiol.

### Ymweliadau ac Ymwelwyr

Trefnwyd ymweliadau addysgiadol i ddisgyblion a bu'r Cyfnod Sylfaen yn ymweld â Chastell Caerdydd, Gwlyptiroedd Casnewydd ac yn archwilio'r ardal leol.

Aeth CA2 i ymweld â Chastell Caerdydd i ddysgu am Nadolig Oes Fictoria ac aeth holl disgyblion CA2 i ddathliad o fywyd Roald Dahl yng Nghanolfan Mileniwm Cymru.

Treuliodd disgyblion Blwyddyn 6 wythnos yng nghwersyll yr Urdd Llangrannog yn cymdeithasu gyda disgyblion eraill o ysgolion cynradd clwstrwr Bro Edern. Yn ogystal aeth Blwyddyn 6 i ganolfan Boulders i ddysgu am ddiogelwch personol.

Daeth amrywiaeth o ymwelwyr i'r ysgol i siarad â'r disgyblion; roedd rhain yn cynnwys Adam Coleman a gyflwynodd gwasanaethau i'r disgyblion, y llyfrgellydd lleol, Miss Hanna Jones (Gwasanaeth Diolchgarwch), staff Diogelu Cathod a wnaeth ddysgu plant y dosbarth Meithrin sut i ofalu ar ôl cathod. Yn ogystal gwnaeth PC Hughes ymweld â'r holl ddisbarthiadau yn trafod pynciau gwahanol. Yn ystod yr ymweliadau hyn cafodd y disgyblion gyfleoedd i ofyn ac ateb amrywiaeth o gwestiynau ac fe'u haddysgwyd am y byd o'u cwmpas.

Fe wnaeth disgyblion Blwyddyn 3 a 4 gymryd rhan mewn gweithgaredd Flying Start yng nghanolfan hamdden Pentwyn wrth ddi-ddanu yr ymwelwyr.

Roedd disgyblion BI 1 a 2 yn sêr teledu wrth iddynt gael eu ffilmio i raglen newydd i blant "Cacamwnci".

Roedd y disgyblion hefyd wedi elwa o ymwelwyr eraill i'r ysgol eleni, er enghraifft, gwylodd y Cyfnod Sylfaen sioe Fflic a Fflac a disgyblion CA2 yn mwynhau sioe Rhfedd gan Robert Recorde. Roedd Cardiff Multisport wedi cefnogi gwersi Ymarfer Corff ar draws yr ysgol yn ystod y flwyddyn ac wedi cynnig clwb chwaraeon ar ôl ysgol i'r disgyblion. Roedd Mr G.Ellis a Mrs A.Harris (athrawon o Ysgol Bro Edern) wedi ymweld â disgyblion blwyddyn 6 ac wedi cyflwyno gwaith iddynt. Roedd yr RSPB wedi cynnal sesiynau awyr agored gyda disgyblion CA2. Gweithiodd Miss Rhian Shannon yn wythnosol gyda disgyblion Blwyddyn 6 yn dysgu Ffrangeg iddynt er mwyn eu paratoi i Fro Edern.

Yn ogystal aeth Blwyddyn 6 am ychydig o ddiwrnodau i Ysgol Bro Edern fel rhan o'u gwaith pontio er mwyn eu paratoi at ddechrau'r ysgol yn Medi 2016.

### Anghenion Dysgu Ychwanegol

Yn sgil polisi'r ysgol ar nodi disgyblion gydag AY y nifer o ddisgyblion a gofrestrwyd ar bob cam o'r Cod Ymarfer, fel yr oedd ym mis Gorffennaf 2014 oedd:23

Mae Ysgol Gymraeg Pen-y-Groes yn ysgol gynhwysol ac mae ymyrraeth ar unrhyw achlysur o fewn cyd-destun ddarpariaeth ysgol gyfan.

Mae'r ymateb graddedig sy'n benodol ar gyfer AY yn adnabod yr angen am gontinwmm o anghenion. Mae cam 1 yn gynhwysiad effeithiol ysgol gyfan ar gyfer disgyblion gydag AY ac mae unrhyw strategaethau cefnogaeth ar gyfer unigolion yn cael eu gweithredu gan yr athrawes ddosbarth.

### Gweithredu Ysgol (GY)

Os nad yw'r disgybl yn gwneud cynnydd neu ond yn gwneud ychydig o gynnydd ar gam 1 byddant yn cael ei gosod ar GY. Ar y cam yma fe fydd y disgybl yn cael ei roi ar GY. Ar y cam yma fe fydd y disgybl yn derbyn Cynllun Addysgiadol Unigol neu Gynllun Ymddygiad Unigol(CAU/CYU) sydd yn cynnwys 3 targed. Mae'r cynlluniau hyn yn cael eu hadolygu'n dymhorol.

### Gweithredu Ysgol + (GY+)

Os nad oes cynnydd digonol yn cael ei wneud ar GY, mae'r SENCo, mewn cydweithrediad gyda'r rhieni / gwarchodwyr yn dod i'r casgliad bod angen cymorth ac arweiniad ychwanegol. Fe fydd y disgybl yn cael ei roi ar GY+ ac mae'r Ysgol yn ceisio am arweiniad allanol wrth athrawon arbennigol, iechyd neu'r gwasanaeth seicolegol addysg.

### Datganiad

Mewn ychydig o achosion, mae'n bosibiliad bydd angen i'r ysgol ystyried, mewn cydweithrediad gyda'r rhieni ac asiantaethau allanol, bod angen asesiad statudol. Mae'r ysgol yn defnyddio canllawiau'r AL er mwyn cynorthwyo unrhyw benderfyniadau. Os oes gan y disgybl anghenion dwys, mae datganiad o anghenion ychwanegol yn cael ei gyhoeddi gan yr Awdurdod Lleol.

Mae gan bob plentyn sydd wedi ei gofrestru ar lefel Gweithredu gan Ysgol, neu fwy, Gynllun Addysg sy'n cael ei adolygu'n gyson i sicrhau ei fod yn dal yn berthnasol ac yn briodol. O ganlyniad, gall lefel anghenion disgybl newid i ddiwallu ei anghenion. Mae'r staff yn parhau i fynyachu cyrsiau, a chael y wybodaeth ddiweddaraf am ddatblygiadau ym maes AY.

### Blaenoriaethau ysgol ar gyfer 2016/17:

BLAENORIAETH 1: I dargedu grwpiau penodol o blant – grwpiau PYDd a MATH er mwyn sicrhau fod pob disgybl yn cyrraedd y lefelau/deilliannau a dargedwyd ar eu cyfer.

BLAENORIAETH 2:Codi safonau llafaredd a darllen yr ysgol yn yr Iaith Gymraeg a Saesneg.

BLAENORIAETH 3:Codi safon sgiliau rhifedd y disgyblion a datblygu Rhifedd ar draws y cwricwlwm.

BLAENORIAETH 4: Datblygu ac intergreiddio cymhwysedd digidol yn yr ysgol gan sicrhau bod y Fframwaith Cymhwysedd Digidol yn cael ei ddatblygu ar draws yr ysgol.

## 5. Gweithgareddau amrywiol

### Clybiau'r ysgol

Yng Nghlwb yr Urdd cafodd y disgyblion gyfleoedd i gymryd rhan mewn amrywiaeth o weithgareddau gan gynnwys chwaraeon, crefft, cerddoriaeth a gemau. Yn yr ysgol mae'r plant yn gallu dewis o nifer o glybiau amrywiol megis clwb darllen, clwb coginio, clwb creadigol, clwb Technoleg Gwybodaeth a chlwb yr Urdd. Diolch yn fawr i'r staff am eu gwaith caled. Yn ystod y flwyddyn cafodd y plant gyfle i fynychu clwb Minecraft a gynhaliwyd gan gwmni MI Little IPad.

### Clwb Brecwast Am Ddim Llywodraeth Cymru

Dechreuodd clwb brecwast am ddim yn yr ysgol yn mis Medi 2015. Pwrpas y clwb brecwast yw cynnig brecwast i ddisgyblion ni fyddai fel arall yn derbyn brecwast cyn ysgol.

### Gweithgareddau elusenol

Gwisgodd y disgyblion smotiau a streipiau i'r ysgol ar gyfer Diwrnod Plant mewn Angen a chodwyd £90.85

### Ffrindiau

Llwyddodd y Ffrindiau unwaith eto i gynnal Ffair Nadolig llwyddiannus iawn a chodwyd cyfanswm syfrdanol o £800.00. Trefnwyd llawer o ddigwyddiadau eraill gan y Ffrindiau yn ystod y flwyddyn ar gyfer disgyblion a rhieni gan gynnwys Ffair Nadolig a Haf (£450), disgo ysgol (£57.30), noson sinema a sawl arwerthiant cacennau (£123) Y cyfanwm terfynol yn 2015-2016 oedd £2234.62. Mae'r arian sy'n cael ei godi yn mynd tuag at wella cyfleusterau'r iard gyda marciau llawr.

### Ysgol Bro Ederm

Rydym fel ysgol wedi datblygu cysylltiadau cryf iawn gydag Ysgol Bro Ederm ac wedi bod yn rhan o nifer o grwpiau gweithio gyda staff yr ysgol yn ogystal ag ysgolion eraill y clwstwr. Roedd diwrnod hyfforddiant ar gyfer ysgolion clwstwr Bro Ederm wedi ei chynnal yn ystod y flwyddyn ar Addysgu a Dysgu. Fe wnaethom groesawu disgyblion o Ysgol Bro Ederm sy'n cwblhau cwrs BAC Cymru i weithio gyda disgyblion mewn datblygu sgiliau TGCh, Rygbi a Celf. Mae disgyblion Blwyddyn 6 wedi treulio 4 diwrnod yn Ysgol Bro Ederm fel rhan o'r gwaith pontio i ysgol Uwchradd.

### Gweithgareddau Chwaraeon

Yn ystod amseroedd cinio mae'r staff yn annog y disgyblion i chwarae gemau sydd yn gwella eu hiaith lafar yn ogystal â'u sgiliau personol a chymdeithasol, Roedd diwrnod mabalgampau yn llwyddiant mawr eleni gyda'r disgyblion i gyd yn arddangos eu sgiliau athletau a da iawn i Lys Celyn ar eu buddugoliaeth. Bu Cardiff Multisport yn cynorthwyo gwersi Ymarfer Corff ar draws yr ysgol ac yn cynnig clwb ar ôl ysgol i'r disgyblion. Cynhaliodd yr ysgol ddiwrnod cadw'n heini yn nhymor yr haf gyda rieni gwahanol yn cynorthwyo'r plant i ddysgu sgiliau newydd er enghraifft tynnu rhaff, paffio a gymnasteg rhythmig.

### Cysylltiadau gyda rhieni

Roedd pob dosbarth wedi cynnal gwasanaeth i rieni ar ddiwedd tymor yr Haf. Unwaith eto bu'r plant yn diddanu rhieni a'u teuluoedd yn ein cyngerdd Nadolig blynyddol. Cynhaliwyd nosweithiau cwricwlwm i rieni a oedd yn cynnwys y Dull Adferfol er mwyn hysbysu'r rhieni sut ydym yn cyflwyno'r strategaethau. Hefyd cynhaliwyd cyfarfod yn trafod y gwersi Addysg Rhyw bydd yn cael eu cynnal yn yr ysgol.

Cafwyd cyfarfodydd trosglwyddo gwybodaeth i rieni Blwyddyn 6 am Llangrannog ac i rieni newydd y Derbyn a Meithrin.

Rydym yn hyderus bod yna gysylltiadau agos rhwng yr ysgol a'u teuluoedd yn ystod nosweithiau agored, adroddiadau blynyddol, diwrnodau agored a chylchlythyr tymhorol. Year 6 show

### Blwyddyn 6

Am y tro cyntaf eleni ffarwelwyd gyda disgyblion Blwyddyn 6 a fydd yn dechrau yn Ysgol Bro Ederm yn mis Medi 2016. Gorffennwyd eu cyfnod yn yr ysgol ar nodyn campus wrth iddynt berfformio sioe i'r ysgol gyfan "Dewin yr Os" a pharti tê ffarwel a drefnwyd gan y rhieni a'r Ffrindiau. Dymunwn bob lwc iddynt yn yr ysgol Uwchradd.

## Cysylltiadau â'r gymuned.

Perfformiodd y disgyblion yng Ngwyl Tafwyl eleni yng Nghastell Caerdydd a gwelwyd yr ysgol gyfan yn diddanu ac yn swyno rhieni a chyfeillion yr ysgol gyda'u sgiliau canu gwyh. Cynhaliodd yr ysgol Gwasanaeth Diolchgarwch yn Nhymor yr Hydref a roddwyd yr holl fwyd a gasglwyd i Banc Bwyd, Caerdydd. Ymwelodd Miss Hanna Jones gyda'r ysgol i arwain y Gwasanaeth Diolchgarwch yn yr ysgol. Rydym wedi croesawu llawer o weithwyr proffesiynol i'r ysgol, gan gynnwys seicolegwyr addysg, gweithwyr iechyd a nyrsys, swyddogion cyllid a TGCh, athrawon ymgynghorol a swyddogion cyswllt. Siaradodd PC Hughesi bob disgybl eleni ar wahanol bynciau. Daeth y Llyfrgellydd Lleol i drafod Sialens Darllen yr Haf gyda'r plant, lle y cymerodd llawer o ddisgyblion ran. Mae nifer o ddisgyblion yn cystadlu yn yr Eisteddfod Gylch ac roedd yn bleser gweld eu hyder ar y llwyfan.

## Cydraddoldeb ac Amrywiaeth

Mae gan Ysgol Gymraeg Pen-y-Groes bolisi cyfle cyfartal ac mae'r Llywodraethwyr a'r Pennaeth yn ymwybodol o'u dyletswydd i hyrwyddo cyfle cyfartal a chysylltiadau da. Mae'r ysgol yn cofnodi ac yn monitro digwyddiadau hiliol a sut y cânt eu datrys. Mae'r Corff Llywodraethol hefyd yn cael ei annog i adrodd ar y digwyddiadau hyn i ddisgyblion, rhieni a'r AALI. Am wybodaeth bellach gweler ddogfen Llywodraeth Cymru ar gyfer 'Cefnogaeth a chynhwysiant cymdeithasol Disgyblion' Cylchlythyr 3/99 Cymru

Cynllun Hygyrchedd Mae gan bob disgybl hawl i gwricwlwm eang a chytbwys waeth beth yw eu hanableddau. Mae'r ysgol yn ymdrechu i atal disgyblion anabl rhag cael eu trin yn llai ffafriol na disgyblion eraill. Rydym yn gwerthuso ein perfformiad yn rheolaidd i sicrhau bod anghenion pob plentyn yn cael eu diwallu. Mae gan yr ysgol bolisi strategol a chynllun hygyrchedd. Mae adeilad yr ysgol newydd yn cael mynediad da a thoiled i'r anabl. Nid oes unrhyw ddisgyblion anabl yn bresennol ar hyn o bryd.

## 6. Presenoldeb ac Absenoldebau

Targed Presenoldeb yr Ysgol oedd 96%. Ni chyflawnwyd hwn yn ystod y flwyddyn academiaidd ddiwethaf gyda presenoldeb o 94.5%.

Canran presenoldeb oedd: 94.5%. Absenoldebau wedi'u hawdurdodi: 3.48%. Absenoldebau heb eu hawdurdodi: 2.02%

Absenoldeb heb eu hawdurdodi yw pen mae'r ysgol wedi rhoi caniatâd o flaen llaw neu ar ôl cyfnod i ffwrdd o'r ysgol i ddisgybl, ac sydd yn cael ei weld fel rheswm digonol ar gyfer yr absenoldeb.

Absenoldeb heb ganiatâd yw unrhyw gyfnod o absenoldeb o'r Ysgol oherwydd digwyddiad rhagfwiadol neu ddigymell gan y disgybl, y rhiant neu'r ddau. Mae hyn yn cynnwys absenoldebau sydd wedi ei ganiatáu gan riant.

Mae'r ysgol yn gweithio'n agos gyda'r Swyddog Presenoldeb yn arolygu absenoldebau disgyblion a hefyd yn gweithio gydag unrhyw deulu ble mae yna bryderon mewn perthynas â phresenoldeb trwy gynnig cymorth ac arweiniad.

## Hysbysiadau Cosb Benodedig

Yng Nghymru, mae deddfwriaeth (Rheoliadau Addysg (Hysbysiadau Cosb) (Cymru)

2013) wedi rhoi pwerau newydd i awdurdodau lleol gyflwyno Hysbysiadau Cosb Benodedig (HCB) i rieni plant a phobl ifanc sy'n absennol o'r ysgol a/neu unedau cyfeirio disgyblion yn gyson, a hynny heb awdurdodiad.

## Polisiau a Phrosbectws

Rhoddir Prosbectws i rieni pan dderbynnir disgyblion i'r ysgol am y tro cyntaf. Adolygir polisiau ysgol yn rheolaidd mewn ymgynghoriad â'r staff a'r llywodraethwyr. Mae'r holl bolisiau ar gael i'w gweld yn yr ysgol gan drefnu gyda'r Pennaeth o flaen llaw.

## Adeiladau/ Iechyd a Diogelwch

Mae'r Llywodraethwyr yn falch iawn o'r ffordd y mae'r disgyblion ac ymwelwyr yn gwneud defnydd o'r adeilad. Mae'r adeilad yn un i fod yn falch ohono, gyda'r adnoddau modern diweddaraf. Mae'r plant yn ddiolchgar am yr holl waith ac mae'r amgylchedd yn cynnig cyfleoedd i bob plentyn. Gydag agoriad y Feithrinfa newydd ym mis Medi 2013 mae'r ysgol wedi ei leoli'n dda i gynnig ar gyfer plant oedran ysgol gynradd. Mae angen i bob ymwelydd i'r ysgol fynd at y brif fynedfa er mwyn cael mynediad i'r adeilad ac i arwyddo mewn ac allan o'r safle. Mae pob iard ar dir yr ysgol yn addas a phob giât wedi'i chloi yn ddiogel yn ystod y dydd. Mae gan yr ysgol bolisi lechyd a Diogelwch er mwyn sicrhau amgylchedd diogel i holl staff, disgyblion ac ymwelwyr i'r ysgol.

## Cyfleusterau

Mae gan yr ysgol y cyfleusterau toiled angenrheidiol i ddisgyblion mewn ysgol o'i maint ac maent yn cael eu glanhau a'u harchwilio ar ddechrau a diwedd pob diwrnod ysgol a thrwy gydol y dydd hefyd.

## Cyllid

Mae datganiad ariannol y flwyddyn 2015/16 wedi ei atodi i'r adroddiad hwn a bydd gwybodaeth am y flwyddyn ysgol hon ar gael o'r ysgol yn ystod tymor y gwanwyn. Mae gwybodaeth ariannol yn ymwneud â'r ysgol ar gael i'w harchwilio yn yr ysgol, ddim ond I chi drefnu gyda'r Pennaeth o flaen llaw.

## Penderfyniadau

Nid oedd yna unrhyw benderfyniadau yn deillio o'r cyfarfod Adroddiad Blynyddol blwyddyn ddiwethaf.

Treuliau Llywodraethwyr

Ni chyflwynwyd ceisiadau am dreuliau.

## ARGYMHELLION ESTYN:

Blaenoriaeth 1: Codi safonau medrau ysgrifennu estynedig y plant yn y ddwy iaith ar draws y cwricwlwm.

Blaenoriaeth 2: Gwella ansawdd yr addysgu.

Blaenoriaeth 3: Cryfhau'r gyfundrefn asesu ac asesu ar gyfer dysgu

Blaenoriaeth 4: Cryfhau'r gyfundrefn hunan arfarnu a sicrhau bod rhanddeiliaid yn rhan o'r broses

Blaenoriaeth 5: Datblygu rôl y corff llywodraethol fel cyfaill beirniadol

Blaenoriaeth 6: Fel mater o frys, sicrhau sefydlogrwydd arweinyddiaeth yr ysgol

Mae'r ymweliad gan y tîm ESTYN yn ystod Gwanwyn 2014 yn dangos bod cynnydd da wedi ei gyflawni tuag at bob argymhelliad ac y mae'r yn mynd yn ôl i'r cylch arferol o Arolygiadau.

**Adroddiad Cymharol/Dilysiad yr Ysgol 2016 (Diwedd y Cyfnod Sylfaen - Disgyblion)**



(Tabl 1 o 2 - CANRANNAU)  
Caerdydd  
Ysgol Gynradd Gymraeg Pen-Y-Groes

		N	D	W	1	2	3	4	5	6	A
Datblygiad personol a chymdeithasol, lles ac amrywiaeth ddiwylliannol	Ysgol	0.0	0.0	0.0	0.0	0.0	0.0	9.1	36.4	54.5	0.0
	Cymru	0.1	0.3	0.2	0.2	0.4	0.8	3.1	38.8	55.8	0.2
Sgiliau iaith, llythrennedd a chyfathrebu (yn y Gymraeg)	Ysgol	0.0	0.0	0.0	0.0	0.0	0.0	9.1	54.5	36.4	0.0
	Cymru	-	0.1	-	0.1	0.2	0.9	7.3	54.5	36.8	0.1
Sgiliau iaith, llythrennedd a chyfathrebu (yn Saesneg)	Ysgol	0.0	0.0	0.0	0.0	0.0	0.0	0.0	0.0	0.0	0.0
	Cymru	0.1	0.4	0.3	0.3	0.5	1.6	8.9	53.7	34.0	0.2
Datblygiad mathemategol	Ysgol	0.0	0.0	0.0	0.0	0.0	0.0	9.1	54.5	36.4	0.0
	Cymru	0.1	0.3	0.2	0.2	0.4	1.2	7.9	55.4	34.1	0.2

**Meysydd Dysgu Dewisol:**

Datblygiad creadigol	Ysgol	0.0	0.0	0.0	0.0	0.0	0.0	0.0	0.0	0.0	0.0
Datblygiad corfforol	Ysgol	0.0	0.0	0.0	0.0	0.0	0.0	0.0	0.0	0.0	0.0
Gwybodaeth a dealltwriaeth o'r byd	Ysgol	0.0	0.0	0.0	0.0	0.0	0.0	0.0	0.0	0.0	0.0
Datblygu'r Gymraeg	Ysgol	0.0	0.0	0.0	0.0	0.0	0.0	0.0	0.0	0.0	0.0

DCS \*\*

Ysgol	81.8
Cymru	86.8



## Adroddiad Cymharol/Dilysiad yr Ysgol 2016 (CA2 - Disgyblion)

(Tabl 1 o 2 - CANRANNAU)  
**Caerdydd**

Ysgol Gynradd Gymraeg Pen-Y-Groes

	N	D	NCO1	NCO2	NCO3	1	2	3	4	5	6+	4+
<b>Saesneg</b>	Ysgol	0.0	0.0	0.0	0.0	0.0	0.0	0.0	55.6	44.4	0.0	100.0
	Cymru	0.1	0.3	0.1	0.1	0.5	1.8	7.4	48.8	39.4	1.4	89.6
Llafaredd	Ysgol	0.0	0.0	0.0	0.0	0.0	0.0	0.0	55.6	44.4	0.0	100.0
	Cymru	0.2	0.3	0.1	0.1	0.4	1.6	7.2	47.5	41.0	1.5	90.0
Darllen	Ysgol	0.0	0.0	0.0	0.0	0.0	0.0	0.0	55.6	44.4	0.0	100.0
	Cymru	0.1	0.3	0.1	0.1	0.5	1.7	8.1	46.7	40.3	1.9	88.9
Ysgrifennu	Ysgol	0.0	0.0	0.0	0.0	0.0	0.0	0.0	66.7	33.3	0.0	100.0
	Cymru	0.2	0.3	0.1	0.1	0.6	2.2	12.1	51.4	31.6	1.4	84.3

<b>Cymraeg Iaith Gyntaf</b>	Ysgol	0.0	0.0	0.0	0.0	0.0	0.0	0.0	66.7	33.3	0.0	100.0
	Cymru	-	0.2	-	-	0.4	1.5	7.4	52.5	36.8	1.2	90.5
Llafaredd	Ysgol	0.0	0.0	0.0	0.0	0.0	0.0	0.0	55.6	44.4	0.0	100.0
	Cymru	-	0.2	-	-	0.4	0.9	6.6	50.6	39.9	1.3	91.8
Darllen	Ysgol	0.0	0.0	0.0	0.0	0.0	0.0	0.0	66.7	33.3	0.0	100.0
	Cymru	-	0.2	-	-	0.4	1.5	8.1	50.2	38.2	1.3	89.8
Ysgrifennu	Ysgol	0.0	0.0	0.0	0.0	0.0	0.0	0.0	66.7	33.3	0.0	100.0
	Cymru	-	0.2	-	-	0.4	1.8	12.8	55.6	28.1	1.0	84.7

<b>Mathemateg</b>	Ysgol	0.0	0.0	0.0	0.0	0.0	0.0	0.0	55.6	44.4	0.0	100.0
	Cymru	0.1	0.3	0.1	0.1	0.4	1.5	7.1	49.0	39.9	1.4	90.2

<b>Gwyddoniaeth</b>	Ysgol	0.0	0.0	0.0	0.0	0.0	0.0	0.0	55.6	44.4	0.0	100.0
	Cymru	0.1	0.3	0.1	0.1	0.5	1.4	6.0	50.2	40.9	0.2	91.4

Dangosydd Pwnc Craidd \*\*

Ysgol	100.0
Cymru	87.7

## Adroddiad Cymharol yr Ysgol: Profion Darllen a Rhifedd Cenedlaethol

### Sgôr safonedig ar sail oedran

Mae sgoriau safonedig ar sail oedran yn eich galluogi i gymharu pob disgybl ag eraill yng Nghymru o'r un oedran (mewn blynyddoedd a misoedd) a gymerodd yr un profion ym mis Ebrill a Mai 2016. At ddibenion cymharu mae'r tablau a'r siartiau isod yn crynhoi'r sgoriau safonedig ar sail oedran ar gyfer pob grŵp blwyddyn yn eich ysgol, yn eich awdurdod lleol ac yng Nghymru.

### Canran y disgyblion o fewn pob ystod sgoriau:

BCC	Darllen Saesneg			Darllen Cymraeg			Rhifedd Gweithdrefnol			Rhifedd Rhesymu		
	Ysgol 2016	ALI 2016	Cymru 2016	Ysgol 2016	ALI 2016	Cymru 2016	Ysgol 2016	ALI 2016	Cymru 2016	Ysgol 2016	ALI 2016	Cymru 2016
<85	-	16	16	9	11	15	9	15	16	0	15	15
2 Rhwng 85 a 115	-	68	68	73	69	70	73	68	68	91	68	68
>115	-	16	16	18	20	16	18	17	17	9	17	17
<85	-	16	16	33	11	15	8	17	16	8	15	15
3 Rhwng 85 a 115	-	64	65	50	62	68	67	67	68	92	69	68
>115	-	19	19	17	26	17	25	17	17	0	16	16
<85	38	17	16	38	14	15	23	17	16	8	16	15
4 Rhwng 85 a 115	54	65	68	54	66	69	69	65	68	92	65	67
>115	8	19	16	8	20	16	8	18	16	0	19	18
<85	25	16	16	25	14	15	0	17	15	0	16	15
5 Rhwng 85 a 115	75	64	67	50	56	68	88	64	69	100	66	67
>115	0	20	17	25	30	17	13	20	16	0	18	18
<85	11	15	16	11	8	15	11	15	16	11	15	15
6 Rhwng 85 a 115	67	65	67	78	63	68	56	65	68	56	65	66
>115	22	20	17	11	29	17	33	20	16	33	19	18

### Canran y disgyblion a gafodd sgôr o 85 ac uwch:

**Ysgol Pen y Groes**  
**Adroddiad Ariannol i Rieni 2015/2016**

	£	£
<b>Manylion</b>	<b>Cyllideb 2015/16</b>	<b>Gwirioneddol 2015/16</b>
<u>Treuliau Gweithwyr</u>		
Staff Addysgu	278,953	276,844
Staff Cynnal	139,405	140,359
<u>Treuliau Eiddo</u>		
Atgyweiriadau a Chynnal-a-Chadw	6,498	4,134
Costau Ynni	10,500	-12,902
Costau Dŵr	1,000	2,084
Contract Glanhau	20,035	21,276
Llogi Cyfleusterau Chwaraeon		
Gwasanaethau Sbwriel ac Amrywiol		
<u>Treuliau Cyflenwadau a Gwasanaethau</u>		
Dodrefn	200	2,006
Deunyddiau Addysgu	20,000	10,056
Gemau a Gweithgareddau Ysgol	1,000	2,790
Prydau Ysgol ar gyfer Staff Dyletswydd		855
Ffioedd Arholiadau		
Treuliau Swyddfa	6,730	6,806
Treuliau Teithio a Chynhaliath		
Treuliau Llywodraethwyr	950	978
Prydau Ysgol	4,600	4,600
Unedau Gwasanaeth	16,306	28,057
<b>Gwariant Gros</b>	<b>506,177</b>	<b>487,943</b>
<u>Incwm</u>		
Defnydd / Llogi Cymunedol	-3,700	-9,727
Grantiau/Incwm Arall/Derbynebaw	-35,622	-37,760
<b>Incwm Gros</b>	<b>-39,322</b>	<b>-47,487</b>
Heb ei ddyrannu	44,466	
Gweddill a ddygwyd ymlaen		70,865
<b>Gwariant Net a Reolir gan yr Ysgol</b>	<b>511,321</b>	<b>511,321</b>
Cyfraddau	0	0
<b>CYFANSWM GWARIANT NET</b>	<b>511,321</b>	<b>511,321</b>
<b>Gweddill ar 31.3.2016</b>		
Gweddill na Fuddosddwyd	70,865	
Gweddill a Fuddsoddwyd	0	
Cyfanswm Gweddill ar 31.3.2016	70865	